

Schneeflocke falled uf d'Erde

Schneeflocke falled uf d'Erde,
alles wird jetzt ganz wys werde.

Im Schnee gseht mehr den die erschte Schpure,
d'Chind tuend gschpann uf de Samichlaus lure.

Es komisches Gfühl hend di einte scho,
jetzt isch de Samichlaus zu ihnen cho.

Es Gedicht für de Samichlaus hät jedes glehrt,
als Belohnig Er denn sin Chlaussack no gleert.

Denn isch Er es Hus wyter gange,
wo andere Chind au uf Ihn blange.